



## **Nuummi innuttaasunut inooqataanikkut atugarliortunut sammisassaqartitsinermit neqeroorutit pillugit tamanut neqeroortitsineq**

### **1. Aallaqqaasiut**

Nuummi innuttaasunut inooqataanikkut atugarliortunut sammisassaqartitsinermit neqeroorummik pilersitsinissamut ingerlatsinissamullu suliarinnissinnaasut piukkunnaatillit matumuuna Kommuneqarfik Sermersuumiit neqeroorusioqquneqarput.

Neqeroorummi inersimasut inuuniarnikkut ajornartorsiuteqartut pineqarput, matumani innuttaasut inissaaleqisut, angerlarsimaffeqanngitsut imaluunniit aningaasaqarnikkut ilungersunartorsiortut ulluinnarni inuunerannik patajaallisaanissamik suliffeqarnermullu atalernissaannut periarfissaannik nukittorsaatitsinissamik pisariaqartitsisut.

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juuni 2019-imeersoq naapertorlugu sammisassaqartitsinermit neqeroorutip siuliani taaneqartut ingerlanneqarnissaanut matumuuna neqerooruteqartitsinertut saqqummiunneqarput.

Neqeroortitsissummi Nuummi innuttaasut inooqataanikkut atugarliortunut sammisassaqartitsinermit neqeroorut pillugu tamanut neqeroortitsissutaavoq.

Kommuneqarfik Sermersooq suliarinnissinnaasumik ataatsimik isumaqatigiissusiornissamik kissaateqarpoq.

Neqerooruteqartumut malugeqquneqarpoq, tamanut saqqummiussereernerup kingornatigut neqeroorummi allannguuteqartoqarsinnaasoq, tassunga ilanngullugu immikkuualuttortalersuinissamut piumasaqaatinik aamma neqeroortitsinermit piumasaqaatinik allannguisoqarsinnaasoq. Tamanna pillugu Sermersooq toqqaannartumik ilisimatitsissaaq.

Kommuneqarfik Sermersooq neqerooruteqartitsinermit ataatsimoortumi naligiissumik aamma erseqqissumik suleriaaseqarnermik qulakkeerinnippoq.

Piviusorsiorlutik tunngavissaqarluartillugu taarsiisussaataaangitsumik neqeroortitsissut Kommuneqarfik Sermersuumiit taamaatiinnarneqarsinnaatitaavoq.

### **2. Siunertaq**

Sammisassaqartitsinermit neqeroorummik pilersitsinermit ingerlatsinermilu Kommuneqarfik Sermersuup isumaginninnermit suliaasaqarfiani periusissiaanut naapertuuttuussasoq innuttaasullu inooqataanikkut atugarliortut inuunerannik pitsanngorsaaqataasuussasoq suliaassami siunertarineqarpoq.

- Innuttaasunut atugarliortunut attaveqalerneq
- Innuttaasut sulilersinneqarnissaat allannguajaatsumillu avatangiiseqalernissaat
- Innuttaasut inooqataalluarnernissaat
- Suliffeqarnermit assingusumilluunniit sammisassaqartitsinermit tapersersuinikkut siuarsaanissaq

Innuttaasut siuariartornerannik ineriartornerannillu suliaqarnikkut neqeroorut utaqqiisaasumik suliaassaaq.

Tamatuma saniatigut innuttaasut inuusuttut inooqataanikkut atugarliortut 18-30-t akornanni ukiullit immikkut suliniuteqarfigineqassapput.

### 3. Neqeroorutigineqartup annertussusia aamma ulluliussat

Nuummi innuttaasut inooqataanikkut atugarliortut pillugit sammisassaqtitsinermut neqeroorummik suliaqartussaq pilersitsillunilu ingerlatsisuussaaq.

Neqeroorut:

- Ukiumut 200-t missaanni atuisunut inissaqartitsissaaq
- Ukiup ingerlanerani innuttaasunik ataavartumik tiguisinnaassaaq
- Sammisassaqtitsinernik neqeroorsinnaassaaq innuttaasullu ilaatigut suliffissaqartinneritigut, inissaqartinneritigut inooqataanikkullu attaveqarneritigut pisinnaasaqarnerulernissaannut tapersersuinikkut ineriartortitsissaaq
- Peqataanerup takkuttarnerullu nalunaarsorneqarnissaannik qulakkeerinnissaaq

Ukiumut atuisut 200-t missaanni inissaqartitsinissamut tunngasoq neqeroorummi sammisassaqtitsinissamut naatsorsuuteqarneruvoq.

Suliap aalajangersimasumik imarisai aamma annertussusia piumasaqaatini nassuiarneqarput.

Ullut:

04.05.2026	Neqerooruteqartitsinermik nassiussineq
26.05.2026	Apeqquteqartoqarsinnaavoq uuma tungaanut 26 maj 2026 nal. 12.00
03.06.2026	Neqeroorut tunniunneqassaaq kingusinnerpaamik junip 3-ani 2026 nal. 12.00 kitaani nalunaaqutaq naapertorlugu.
10.06.2026	Tunniussinermut aalajangiineq nalunaaruteqarnerlu
20.06.2026	Piffissaq uninngaffiusoq (ullut 10-t) 11.- 20. juli 2026
22.06.2026	Isumaqtigiissutinik aallartitsineq

### 4. Sullitat

Neqeroorummi sullitassat tassaapput Nuummi najugallit innuttaasut inooqataanikkut atugarliuuteqartut.

Sullinneqartut tassaapput:

Inersimasut 18-it sinnerlugit ukiullit inooqataanikkut atugarliuuteqartut.

Innuttaasut ilaatigut tassaasinnaapput:

- Inissaaleqisut imaluunniit angerlarsimaffeqanngitsut
- Aningaasaqarnikkut ilungersunartorsiortut
- Suliffeqarnermut killilimmik attaveqartut
- Ulluinnarni inuuniarnikkut allannguajaatsuunissamik ikorfartorneqarnissamillu pisariaqartitsisut

Tamatuma saniatigut innuttaasut inuusuttut inooqataanikkut atugarliortut 18-30-t akornanni ukiullit immikkut suliniuteqarfigineqassapput.

Sullinneqartut ukiumut 200-t missaanni amerlassuseqartut neqerooruteqarnikkut ataatsimut isigalugit sullinneqartarnissaat naatsorsuutigineqarpoq.

### 5. Piumasaqaatinik ersarissaanerit

Neqerooruteqartup neqeroorutaa minnerpaamik tulluuttunik imaqassaaq:

#### **5.1. Inissaqassuseq tikikkuminartuuneralu**

Suliaqartussap neqeroorut ima aqqissuutissavaa, ataatsimut isigalugu atuisut 200-t missaanniittut ukiumut sullinnissaannut inissaqartitsissalluni.

Suliaqartup allaaserisinnaasariaqarpaa:

- Atuisut taama amerlatigisut tigungissaannut neqeroorut qanoq aqqissuussaassasoq
- Sammisassaqtitsinerit atortorissarutillu suut atorneqarniarnersut
- Atuisut peqataanerat qanoq nalunaarsorneqartassasoq

#### **5.2. Sannaviit tunisassiornermut sammitinneqartut**

Neqeroorut suliaqarnermi sammisassaqtitsinernik sannavinnullu tunngasunik ingerlatsinnaasariaqarpoq, ilaatigut innuttaasut tunisassianut tunngasunik suliaqaqataaffigisinnaasaanik.

Siunertarineqarpoq ilaatigut:

- Sulinermi piginnaasat siuarsaavigineqarnissaat
- Ulluinnarisaanni aqqissuussaaneermik pilersitsineq
- Sulinermi piginnaasanik nukittorsaaneq
- Sulinermit attuumassuteqartunik sammisassanik misilittagaqalerneq
- Teknikikkut piginnaasat
- Suliffissaqtitsivimmut paasinnittaaseqalernissaq

#### **5.3. Ilinniartitaaneq**

Peqataasut inuttut inooqataanikkullu siuariartorneranut iluaqutaasunik neqeroorut atuartsinernut tunngasunik imaqartinneqassaaq.

Atuartsissutini aalajangersimasuni atuartsinissamut piumasaqaatitaqartitsisoqassanngilaq.

#### **5.4. Siunnersuineq**

Innuttaasut siunnersorneqarsinnaasassapput, matumani assersuutigalugu:

- Inooqataanermut pissutsit
- Aningaasaqarneq
- Ineqarneq
- Pisortani oqartussaaffeqarfinnut attaveqarnerit
- Suliffeqalernissamut piginnaanngorsarnissamulluunniit periarfissat

#### **5.5. Kiffartuussinerit**

Innuttaasut ulluinnarni inuunerannik allanngujaallisitseqataasunik neqeroorut kiffartuussissutini imaqartinneqassaaq.

Makku ilaatinneqassapput:

- Nerisaqarneq

- Uffarfik
- Errorsineq

### **5.6. Neqeroorummi peqataanissamut piumasaqaatit**

Innuttaasut neqeroorummi peqataassut sammisassaqtitsinertut ingerlatatullu neqeroorutaasuni peqataasarnissaat naatsorsuutigineqarpoq.

Taamaattumik neqeroortummi atuisut peqataanissaannut erseqqissumik naatsorsuuteqarnertik anguniassavaat, matumani atuisut sapinngisamik:

- Takkuttarnerat aalakkaasuussaaq piffissarlu eqqorlu takkuttassallutik
- Sammisassaqtitsinertut neqeroorutaasuni peqataalluartassapput
- Piginnaasat malillugit sapinngisamik pitsaanerpaamik sullissineq

Neqeroorummi aalajaatsumik peqataanissaaq siuariartornissarlu siunertaralugit, innuttaasunut kajumissarinissakut, oqaloqatiginnittarnikkut ikorfartuisarnikkullu suliaqartup tamanna suliarissavaa.

### **6. Ataasiakkaanut iliuusissanut pilersaarusi**

Innuttaasut neqeroorummi peqataasut ataasiakkaatut suliaqartumit iliuusissanut pilersaarusiuttassavai.

Iliuusissanut pilersaarutini:

- Innuttaasup siunertai pillugit allaaserineqassapput
- Neqeroorummi suliniutaasoq allaaserineqartassaaq
- Nammieernerunissamut siuariartuuteqarnermut ajornanngippallu suliffeqarnermut attuumassuteqarnermut iluaqutaassaaq

### **7. Suleqatigiinneq**

Kommunimi immikkoortortaqrarfiit attuumassuteqartut suliaqartumit suleqatigineqartassapput, matumani makku ilanngullugit:

- Aqqusinermi Angalaartartoqatigiit
- Angerlarsimaffeqanngitsunut unnuisarfik
- Majoriaq

Tamatuma saniatigut neqeroorummut malinnaasoqatigiit pilersinneqassapput, tasanilu neqeroorutit ineriartortinneqarnera pillugu suliaqartup Kommuneqarfiullu Sermersuup akornanni ataavartumik oqaloqatigiinneq pisinnaalluni.

Malinnaasartoqatigiinni peqataasussat amerlassusaat aalajangersimasuutinneqanngilaq.

### **8. Malinnaaffiginninneq allagaasiortarnerlu**

Suliaqartup Kommuneqarfik Sermersooq suleqatigalugu neqeroorut ukiumoortumik nalilersuiffigisassavaa.

Nalilersuinerup ilaattut neqeroorummik atuisuusimasut Suliffeqarnermut Isumaginninnermullu Ingerlatsivimmiit malinnaaffigineqartassapput.

Taamaattumik malinnaanermut nalilersuinerullu atorsinnaasunik atuisunut paasisutissanik (aqqi inuuisalu normui) suliaqartoq ingerlatsivimmut tunniussaqaartassaaq.

Suliaqartup ataavartumik nalunaarsugassai allagaasiarisartagassaalu:

- Atuisut amerlassusaat
- Sammisassaqaartitsisarnernut takkuttartut
- Taamaatitsisoqarsimappat atuisuujunnaartoqarsimappalluunniit

Inissaqassutsimut piumasaqaatip kommunimit malinnaaffigineqarnissaanut tunngaviliisussamik, neqeroorummi atuisut amerlassusaasa nalunaarsorneri ukiumut ikinnerpaamik ataasiarlugit suliaqartumit Kommuneqarfik Sermersuumut nassiunneqartassapput.

## **9. Pilersuinermut tunngavissaq**

Neqeroorummi atuisut assersuutigalugu pisortanit ikiorsiissutinik pisartagaqassapput, matumani suliffissarsiortunut ikiorsiissutit ilanngullugit.

## **10. Suliaqartumut piumasaqaatit:**

Neqerooruteqartup neqeroorutip ilaatut tulluittut uppersassavai ilisimatitsissutigalugillu:

- Sullinneqartunik misilittagaqarneq
- Kalaallit oqaasii atorlugit attaveqarsinnaasunik sulisoqarneq
- Peqataasunik kalaallisut atuartitsisinnaasunik, aqutissiuussisinnaasunik ikorfartuisinnaasunillu sulisoqarneq, kiisalu allagaatit ilaat kalaallisut suliarisinnaaneri
- Perorsaaneq aqutigalugu piginnaanngorsaaneermik ingerlatsinernit misilittagaqarneq
- Sannavinnik /inuussutissarsiornermi atortunik pisariaqartinneqartunik atugaqarsinnaanermut periarfissaqaartitsineq
- Suleqatigisat naapertuuttunik piginnaasaqarnerat
- Oqartussaaffeqarfinnik suleqateqarnermik misilittagaqarneq

## **11. Aningaasaqarneq**

Kommuneqarfik Sermersooq ukiumut ingerlatsinermut tapiisassaaq 5.340.000 kr.

Ukiumut ingerlatsinermut tapiissutit ukiumut atuisut 200-t missaanniittunik inissaqaartitsissusat naatsorsuutigisaqarluni sammisassaqaartitsinermut neqeroorutip pilersinneqarnissaa ingerlanneqarnissaalu matussutaassapput.

Sammisassaqaartitsinermut neqeroorutip pilersinneqarnera ingerlanneqarneralu matussuseqarneqassapput isumaqatigiissullu naapertorlugu suliaqartup tunniussaqaarneranut ataatsimut akissarsiat ilaatinneqarlutik.

## **12. Periarfissaq: Innuttaasut tarnimikkut anniaatillit suliniuteqarfittut sannavissaat**

Innuttaasut atugarliortut tarnimikkut ilungersuuteqartut suliniuteqarfittut sannavissaannik pilersitsinissamut periarfissatut ilanngussinissaq Kommuneqarfik Sermersuumiit aalajangiunneqarsinnaavoq.

### **12.1. Aningaasaqarneq**

Ukiumi ataatsimi aningaasat atugassat 800.000 koruuniussapput. Sivitsuinissarli periarfissaalluni.

### **12.2. Sullitat**

Sullitat tassaassapput innuttaasut inooqataanikkut atugarliortut:

- Tarnikkut naalliuutillit
- Kingunerluuteqartut
- Kinaassutsikkut akornuteqartut

Anniaatit nappaatitut suussusersineqarsimasariaqanngillat imaluunniit uppersaartilersimasariaqanngillat.

### **12.3. Suliniarnerit**

Suliniarnermi innuttaasut eqqarsartaatsikkut qanoq innerinik pitsanngorsaaqataasinnaasumik tutsuiginartutut periuseqarnissaq ukkatarineqassaaq.

Aningaasat ilaatigut makkuninnga atorfinitsitsinissamut atorineqassapput:

- Tarnikkut nappaatilinnik sullisseriaatsimi nakorsaattortitsinikkut katsorsaasoq / Psykoterapeuti
- Tarnip pissusiinik ilisimasalik
- Assingusumilluunniit suliaqartoq

Neqeroorutaaq atorlugu innuttaasut peqqinnissaqarfimmut aamma assingusunillu katsorsartinnissamut periarfissiisunut attaveqartarnissaat ikorfartorneqartassapput.

### **12.4. Malittarinninneq nalilersuinerlu**

Suliniarneq Kommuneqarfik Sermersooq suleqatigalugu suliaqartumit ataavartumik malittarineqarlunilu nalilersuiffigineqartassaaq.

Suliniarnikkut innuttaasut tarnikkut atugarissaarnerulersinneqarnerinik sammisassaqtitsinermilu aalajaannerunissamut peqataanissamullu periarfissaannut iluaqutaaneramik naliliinermi siunertaavoq.

Tamatununga atatillugu suliniarneq pillugu paasissutissanik attuumassuteqartunik, matumani sullitanik misilittagaqarneq, sammisassaqtitsinerit ingerlanneqarsimasut kiisalu innuttaasut ineriartornerisa pingaarnertut naliliiffigisarneri ilanngullugit suliaqartumit tunniunneqassapput.

Suliaqartup Kommuneqarfiullu Sermersuup akornanni oqaloqatigiinnikkut nalilersuisoqassaaq suliniarnerullu pisariaqarpat naleqqussarnissaanut toqqammaviliisinnaalluni.

### 13. Neqerooruteqartumik ilisarititsineq

Neqerooruteqartoq pillugu naatsumik nassuiaat ilanngunneqarsinnaavoq.

### 14. Akit kiffartuussinermullu aningaasartuutit

Takussutissaq ilanngunneqartoq takuuk. Neqerooruteqartumit paasissutissat annertunerusut ilanngunneqarsinnaapput.

### 15. Suliakkiisoq

Kommuneqarfik Sermersooq  
Suliffeqarnermut Isumaginninnermullu Ingerlatsivik  
Mail: [udbud@sermersooq.gl](mailto:udbud@sermersooq.gl)

### 16. Apeqqutit akissutillu

Apeqqutit allaganngorlugit kalaallisut danskisulluunniit uunga nassiunneqassapput [udbud@sermersooq.gl](mailto:udbud@sermersooq.gl).  
Sammisatut allanneqassaaq:

**" Nuummi innuttaasunut inooqataanikkut atugarliortunut sammisassaqaqtitsinermut neqeroorutit pillugit tamanut neqeroortitsineq "**

Apeqquteqartoqarsinnaavoq uuma tungaanut 26 maj 2026 nal. 12.00.

### 17. Isumaqaatigiissut

Isumaqaatigiissut Kommuneqarfik Sermersuumi suliarineqassaaq, illuatungeriinniillu atsiorneqassalluni.

### 18. Isumaqaatigiissummik tunniussineq

Isumaqaatigiissut "aningaasaqarnikkut neqeroorutitsialaanerpaatut" tunngavigineqartoq naapertorlugu tunniunneqassaaq. Pointilersuineq pereerpat nalilersuineq pissaaq:

Piumasaqaammik naammassinninneq	Pointit
Piumasaqaatinik pitsaavissumik/naammaginavissumik naammassinninneq	5
Piumasaqaammik pitsaasumik naammassinninneq	4
Piumasaqaammik naammaginartumik naammassinninneq	3
Piumasaqaammik akunnattumik naammassinninneq	2
Piumasaqaammik akunnattumit appasinnerusumik naammassinninneq	1
Piumasaqaammik naammaginangivissumik naammassinninneq	0

Piumasaqaatit allat	Pingaartitat
Suliatigut pitsaassuseq periuserlu	50 %
Aaqqissuussaq sulisullu piginnaasaat	30 %
Suleqatigiinneq, allagaasiorneq aamma malitseqaqtitsineq	20 %



## **19. Neqerooruteqarnissamut piffissaliussaq**

Neqeroorut kingusinnerpaamik tunniunneqassaaq juunip 3-ani 2026, nal. 12.00 (Nunatta kitaata nalunaaqutaa malillugu). Neqeroorutit tiguneqartut ammarneqarneranni najuuttoqarsinnaanngilaq. Neqerooruteqartoq ataaseq ataasiinnarmik neqerooruteqarsinnaavoq.

## **20. Atuutsinneranut killissarititaq**

Neqeroorut 31 juuli 2026 tungaanut neqerooruteqartumut pituttorsimaffigineqassaaq.

## **21. Sillimaffigisassaq**

Neqerooruteqartut kaammattorneqarput nangaassuteqaannaratik apeqquteqartassasut. Neqeroorutit nangaanartoqartinneqartut itigartinneqarsinnaapput.

## **22. Neqeroorutit allat**

Allatut neqerooruteqarnerit akuerineqassanngillat.

## **23. Oqaatsit**

Neqeroorut kalaallisut imaluunniit qallunaatut allaqqassaaq.

## **16. Neqeroorummuk akiliut**

Neqerooruteqarnissamut atortut utertinneqassanngillat, neqerooruteqarnerlu pillugu akiliuteqartoqassanngilaq.

## **17. Neqerooruteqarnermi angusat pillugit ilisimatitsineq**

Pisiniartarfissamik toqqaasoqareernerata kingornatigut neqerooruteqartut tamarmik ilisimatinneqassapput.

## **18. Isumaqatigiissut malillugu sulineramik naliliineq**

Illuatungeriit suleqatigiinneq pillugu ingerlaavartumik nalilersuisassapput.

## **19. Isumaqatiginninniarnissamut inerteqqut**

Neqerooruteqartitsinerup nalaani isumaqatiginninniartoqassanngilaq.

**Naammagittaalliuteqarsinnaaneq** Inatsisartut inatsisaat nr. 6, 12. juuni 2019-imeersoq malillugu Inatsisartut inatsisaat nr. 6, 12. juni 2019-imeersoq.

## **Ilanngussat**

Ilanngussaq 1: Pisiniarnermik aamma Neqeroortitsisarnermik politikki 2024 ileqqorissaarnermik najoqqutassanik imalik

Ilanngussaq 2: Isumaqatigiisummut missingiut  
Ilanngussaq 3: Ilumoorluinnarnermut uppersaat  
Ilanngussaq 4: Allattukkanik ilisimaarinnineq